



ქ. თბილისის საერთაშორისო აეროპორტის მიმდებარე ტერიტორიაზე, შპს „საქაერონავიგაციის“ მეტეო-რადიო ლოკაციის შენობის სარემონტო სამუშაოების

ელექტრონული ტენდერის საშუალებით შესყიდვის

სატენდერო დოკუმენტაცია

სატენდერო დოკუმენტაცია შედგენილია “სახელმწიფო შესყიდვების შესახებ” საქართველოს კანონისა და “გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ” სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე

ქ. თბილისი
2015 წელი

1. პრეტენდენტის მიერ შესყიდვების ერთიანი ელექტრონული სისტემის საშუალებით წარმოსადგენი ტექნიკური დოკუმენტაცია.

პრეტენდენტის მიერ შესყიდვების ერთიანი ელექტრონული სისტემის საშუალებით წარმოსადგენი ტექნიკური დოკუმენტაცია უნდა შეიცავდეს:

1.1. პრეტენდენტის სრულ რეკვიზიტებს (დასახელება, იურიდიული და ფაქტიური მისამართი, საბანკო რეკვიზიტები, ხელმძღვანელის სახელი და გვარი, საკონტაქტო პირ(ებ)ის სახელი, გვარი, ტელეფონის ნომერი, ელექტრონული ფოსტის მისამართი);

1.2. შესასრულებელი სამუშაოების ხარჯთაღრიცხვას სატენდერო დოკუმენტაციის „დანართი №1“-ში მოცემული ფორმის შესაბამისად. მიმწოდებლის მიერ ხარჯთაღრიცხვის წარმოდგენლობა გამოიწვევს მის დისკვალიფიკაციას. ხარჯთაღრიცხვის შედგენისას გათვალისწინებული უნდა იქნეს საქართველოს მთავრობის დადგენილება #55 „ტექნიკური რეგლამენტის-სამშენებლო სამუშაოების სახელმწიფო შესყიდვისას ზედნადები ხარჯებისა და გეგმური მოგების განსაზღვრის წესის დამტკიცების შესახებ“. დაუშვებელია ხარჯთაღრიცხვის ფორმაში (დანართი №1) მითითებული გათვალისწინებული ხარჯების პროცენტული ოდენობის ცვლილება.

1.3. ინფორმაცია შესრულებული სამუშაოების საგარანტიო ვადების შესახებ.

1.4. არანაკლებ 1 (ერთ) დადებით რეკომენდაციას. რეკომენდაციაში უნდა ჩანდეს, რომ მიმწოდებელმა დროულად და ხარისხიანად შეასრულა ანალოგიური მოცულობის (არანაკლებ 105000 ლარის ღირებულების მინიმუმ ერთი პროექტი) სამშენებლო-სარემონტო სამუშაოები.

სატენდერო წინადადებას ხელს უნდა აწერდეს პრეტენდენტის ხელმძღვანელი ან მის მიერ უფლებამოსილი პირი (ამ შემთხვევაში ატვირთული უნდა იქნეს შესაბამისი უფლებამოსილების დამადასტურებელი დოკუმენტი).

2. სატენდერო წინადადების ღირებულება წარმოდგენილი უნდა იქნეს ლარში და მოიცავდეს მიმწოდებლის მიერ ვალდებული სრულ შესრულებასთან დაკავშირებულ ყველა ხარჯს (მათ შორის: საქართველოს კანონმდებლობით დადგენილ ყველა გადასახადს (გარდა დღგ), ტრანსპორტირების ხარჯებს, მოხმარებული კომუნალური მომსახურების გადასახადებს). ხარჯი, რომელიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას. სატენდერო წინადადების ფასი სახელმწიფო შესყიდვების ერთიანი ელექტრონულ სისტემაში (შემდგომში სისტემა) მითითებული უნდა იქნეს დღგ-ს გარეშე. დღგ გათვალისწინებული იქნება მიმწოდებელთან გაფორმებულ ხელშეკრულებაში.

ელექტრონულ ვაჭრობაში (დამატებით რაუნდებში) დაფიქსირებული მთლიანი ფასის ცვლილების შესაბამისად პრეტენდენტმა უნდა წარმოადგინოს ხელახალი განფასება (ხარჯთაღრიცხვა) სატენდერო დოკუმენტაციის „დანართი №1“-ის მიხედვით.

ხელშეკრულება გამარჯვებულ პრეტენდენტთან დაიდება ლარში.

3. ანგარიშსწორების წესი:

3.1. ანგარიშსწორება მიმწოდებელთან განხორციელდება ერთ ეტაპად, სამუშაოების სრულად შესრულების შემდგომ, მიღება-ჩაბარების აქტის, ფორმა №2-ის, საქართველოს კანონმდებლობით გათვალისწინებული შესაბამისი საგადასახადო დოკუმენტაციის საფუძველზე. ანგარიშსწორება მიმწოდებელთან განხორციელდება ზემოაღნიშნული საბუთების წარმოდგენიდან არაუგვიანეს 10 (ათი) საბანკო დღის ვადაში;

3.2. სამუშაოები დასრულებულად ჩაითვლება მიღება-ჩაბარების აქტის გაფორმების შემდეგ, საიდანაც აითვლება საგარანტიო ვადები.

3.3. წინასწარი და ეტაპობრივი ანგარიშსწორება ტენდერში არ გამოიყენება.

4. სამუშაოების შესრულების ვადა: სახელმწიფო შესყიდვის შესახებ ხელშეკრულების გაფორმებიდან 3 თვე.

5. სამუშაოების გაწვევის ადგილი: ქ. თბილისის საერთაშორისო აეროპორტის მიმდებარე ტერიტორია.

6. შესყიდვის ობიექტის სავარაუდო ღირებულება შეადგენს 89500 ლარს (დღგ-ს გარეშე).

იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას. სატენდერო კომისიის მოთხოვნის შემთხვევაში, პრეტენდენტი ვალდებულია უზრუნველყოს მის მიერ წარმოდგენილი ხარჯთაღრიცხვის ექსპერტიზის ჩატარება ლევან სამხარაულის სახელობის ექსპერტიზის ეროვნული ბიუროში ან აკრედიტებულ შესაბამის ორგანოში და წარმოადგინოს შესაბამისი დასკვნა (დასკვნის აღებასთან დაკავშირებულ ყველა ხარჯს იხდის მიმწოდებელი). სატენდერო კომისიის მოთხოვნის შემთხვევაში დასკვნასთან ერთად წარმოდგენილ უნდა იქნეს დოკუმენტი, რომლითაც დადასტურდებოდა, რომ ფასწარმოქმნის ადეკვატურობაზე საექსპერტო დასკვნის გამცემი პირი აკრედიტებულია შესაბამისი ორგანოს მიერ შესაბამის სფეროში. ზემოხსენებული ინფორმაციის წარმოდგენლობა გამოიწვევს შესაბამისი პრეტენდენტის დისკვალიფიკაციას. ფასწარმოქმნის დასაბუთების ან/და ექსპერტიზის დასკვნის წარმოდგენა უნდა განხორციელდეს შემსყიდველის წერილობითი მოთხოვნიდან 10 სამუშაო დღის ვადაში შერჩევა-შეფასების ეტაპზე.

7. ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე, უცხო ენაზე წარმოდგენის შემთხვევაში მას უნდა დაერთოს ნოტარიულად დამოწმებული ქართული თარგმანი.

8. მიმწოდებელს არ აქვს უფლება წარმოადგინოს ალტერნატიული წინადადება.

დამატებითი ინფორმაციის მიღება შესაძლებელია შემდეგი საკონტაქტო პირებისგან: ზურაბ დავითულიანი (ტელ: 551800100), მაია ივანიშვილი (ტელ: 2 744 327).

ტექნიკური დავალება

1. სამუშაოების ჩატარების ტექნიკური პირობები:

1.1. სამუშაოების შესრულების პროცესში გამოყენებული ყველა მასალა და მოწყობილობა უნდა იყოს მაღალი ხარისხის და შეესაბამებოდეს ამ სფეროში აღიარებულ სტანდარტებს. მიმწოდებელი ვალდებულია შემსყიდველს მოთხოვნის შემთხვევაში მიაწოდოს შესაბამისი სერთიფიკატები სამუშაოების შესრულების პროცესში გამოყენებულ მასალებსა და მოწყობილობებზე (მათი არსებობის შემთხვევაში). შემსყიდველს უფლება აქვს დამატებით, ნებისმიერ დროს მოითხოვოს ლაბორატორიული შემოწმების და ტესტირების აქტები, სერთიფიკატები და საექსპერტო დასკვნები მასალებსა და მოწყობილობებზე.

1.2. სამუშაოების შესრულების პროცესში გამოსაყენებელი მასალებისა და მოწყობილობების ტიპი და ვიზუალურ-ტექნიკური მახასიათებლები (ხარისხი, ფაქტურა, ფერი და სხვა) წინასწარ თანხმდება შესყიდველთან სამუშაოების შესრულების პროცესში. იმ შემთხვევაში, თუ მიმწოდებლის მიერ წარმოდგენილი მასალა ან მოწყობილობა ან შესრულებული სამუშაო არ შეესაბამება შემსყიდველი ორგანიზაციის მოთხოვნებს, მიმწოდებელი ვალდებულია თავისი ხარჯებით გამოასწოროს, წარმოადგინოს სხვა, შემსყიდველისათვის მისაღები მასალა, მოწყობილობა ან/და სხვაგვარად შეასრულოს სამუშაო;

1.3. სამუშაოების შესრულების პროცესში მიმწოდებელი ვალდებულია დაიცვას საერთაშორისო და საქართველოში მოქმედი სამშენებლო ნორმები, ტექნოლოგიები და სტანდარტები. დაიცვას პერსონალის უსაფრთხოების ნორმები საქართველოს კანონმდებლობის შესაბამისად. მიმწოდებელი სრულად იქნება პასუხისმგებელი სამუშაოების შესრულების პროცესში, სამუშაოებში ჩართული პერსონალის ჯანმრთელობისა და/ან სიცოცხლისთვის მიყენებულ ზიანზე, ასევე, მისი ბრალეული ქმედებით მესამე პირების მიმართ მიყენებულ ნებისმიერ ზიანზე.

1.4. მიმწოდებელი ვალდებულია დაიცვას შენობაში და სამშენებლო მოედანზე განთავსებული მოწყობილობა-დანადგარები, საკომუნიკაციო და ელექტრო კაბელები ნებისმიერი სახის ზემოქმედებისაგან სამშენებლო სამუშაოების პერიოდში და სრულად აგებს პასუხს მათი დაზიანებით გამოწვეულ ზარალზე. მიმწოდებელმა უნდა უზრუნველყოს სამშენებლო მოედნის ფარგლებში მდებარე ხეების და მცენარეების დაუზიანებლობა და სიცოცხლისუნარიანობა, ასევე, მინიმუმადე დაიყვანოს სამშენებლო სამუშაოებით გამოწვეული ხმაურის, ვიბრაციისა და მტვერის გავლენა გარემოზე.

2. მოთხოვნილი საგარანტიო ვადები:

2.1. მიღება-ჩაბარების აქტის გაფორმებიდან არანაკლებ 3 წელი.

საგარანტიო პერიოდში გამოვლენილი ხარვეზების აღმოფხვრა უნდა განხორციელდეს მიმწოდებლის მიერ საკუთარი სახსრებით, შემსყიდველთან შეთანხმებულ ვადებში.

სატენდერო დოკუმენტაციას თან ახლავს:

— დანართი №1 (შესასრულებელი სამუშაოების ხარჯთაღრიცხვის ფორმა);

სახელმწიფო შესყიდვის შესახებ ხელშეკრულების პროექტი

ქ. თბილისი

2015 წელი

ერთის მხრივ, შპს „საქაერონავიგაცია“ (შემდგომში, შემსყიდველი) წარმოდგენილი გენერალური დირექტორის, გოჩა მეზერიშვილის სახით და მეორეს მხრივ, _____ (შემდგომში, მიმწოდებელი) წარმოდგენილი დირექტორის _____სახით, ელექტრონული ტენდერის (№SPA _____) ჩატარების შედეგად ვღებთ სახელმწიფო შესყიდვის შესახებ ხელშეკრულებას შემდეგ ზე:

მუხლი 1. ხელშეკრულების ობიექტი

- 1.1. ხელშეკრულების ობიექტს წარმოადგენს ქ. თბილისის საერთაშორისო აეროპორტის მიმდებარე ტერიტორიაზე, შპს „საქაერონავიგაციის“ მეტეო-რადიოლოკაციის შენობის სარემონტო სამუშაოების შესყიდვა შემსყიდველის სატენდერო დოკუმენტაციის, პრეტენდენტის მიერ წარმოდგენილი სატენდერო წინადადების და წინამდებარე ხელშეკრულებით განსაზღვრული პირობების შესაბამისად.
- 1.2. შემსყიდველის სატენდერო დოკუმენტაცია და პრეტენდენტის მიერ წარმოდგენილი სატენდერო წინადადება წარმოადგენს წინამდებარე ხელშეკრულების განუყოფელ ნაწილს.
- 1.3. შესყიდვის ობიექტის კლასიფიკატორის კოდი: 45400000.
- 1.4. რესურსის მოთხოვნის განაცხადი:

მუხლი 2. ხელშეკრულების ჯამური ღირებულება

- 2.1. ხელშეკრულების ჯამური ღირებულება შეადგენს ლარს.
- 2.2. ხელშეკრულების ჯამური ღირებულება მოიცავს მიმწოდებლის მიერ ვალდებულებების სრულ შესრულებასთან დაკავშირებულ ყველა ხარჯს (მათ შორის: საქართველოს კანონმდებლობით დადგენილ ყველა გადასახადს (მათ შორის დღგ), ტრანსპორტირების ხარჯებს, მოხმარებული კომუნალური მომსახურების გადასახადებს).

მუხლი 3. ხელშეკრულების შესრულების კონტროლი

- 3.1. შემსყიდველი უფლებამოსილია განახორციელოს კონტროლი და ზედამხედველობა ხელშეკრულების პირობების შესრულებაზე, რომლის მიზანია სამუშაოების მოცულობის, ხარისხისა და შესრულების ვადების შესაბამისობის დადგენა ხელშეკრულებით განსაზღვრულ პირობებთან.
- 3.2. ხელშეკრულების პირობების შესრულებაზე კონტროლს შემსყიდველის სახელით ახორციელებს (დაზუსტდება ხელშეკრულების გაფორმებისას).

მუხლი 4. სამუშაოების შესრულების ვადა და ადგილი

- 4.1. მიმწოდებელი იღებს ვალდებულებას დაასრულოს ხელშეკრულებით განსაზღვრული სამუშაოები ხელშეკრულების ძალაში შესვლიდან 3 თვის ვადაში.
- 4.2. სამუშაოების გაწევის ადგილი: ქ. თბილისის საერთაშორისო აეროპორტის მიმდებარე ტერიტორია.

მუხლი 5. შესრულებული სამუშაოების მიღება-ჩაბარების წესი

- 5.1. გაწეული სამუშაოების მიღება-ჩაბარება განხორციელდება სამუშაოთა სრულად შესრულების შემდგომ, მიღება-ჩაბარების აქტის, ფორმა №2-ის საფუძველზე.
- 5.2. სამუშაოები დასრულებულად ჩაითვლება მიღება-ჩაბარების აქტის გაფორმების შემდეგ, საიდანაც აითვლება საგარანტიო ვადები.

მუხლი 6. ანგარიშსწორების წესი

- 6.1. ანგარიშსწორება მიმწოდებელთან განხორციელდება სამუშაოთა სრულად შესრულების შემდგომ, მიღება-ჩაბარების აქტის, ფორმა №2-ის, საქართველოს კანონმდებლობით გათვალისწინებული შესაბამისი საგადასახადო დოკუმენტაციის საფუძველზე. ზემოაღნიშნული საბუთების წარმოდგენიდან არაუგვიანეს 10 (ათი) საბანკო დღის ვადაში;
- 6.2. ანგარიშსწორების ფორმა: უნაღდო ანგარიშსწორება.
- 6.3. ანგარიშსწორების ვალუტა: ლარი.

მუხლი 7. მხარეთა უფლება-მოვალეობანი

7.1. მიმწოდებელი ვალდებულია:

- 7.1.1. დაასრულოს წინამდებარე ხელშეკრულებით განსაზღვრული სამუშაოები ხელშეკრულების ძალაში შესვლიდან 3 თვის ვადაში.
- 7.1.2. სამუშაოების შესრულების პროცესში გამოიყენოს ისეთი სახის მასალა და მოწყობილობა რომელიც არის მაღალი ხარისხის და შეესაბამება ამ სფეროში აღიარებულ სტანდარტებს.
- 7.1.3. მიმწოდებელი ვალდებულია შემსყიდველს მიაწოდოს შესაბამისი სერთიფიკატები სამუშაოების შესრულების პროცესში გამოყენებულ მასალებსა და მოწყობილობებზე (მათი არსებობის შემთხვევაში).
- 7.1.4. დაიცვას საერთაშორისო და საქართველოში მოქმედი სამშენებლო ნორმები და სტანდარტები. დაიცვას პერსონალის უსაფრთხოების ნორმები საქართველოს კანონმდებლობის შესაბამისად. მიმწოდებელი სრულად იქნება პასუხისმგებელი სამუშაოების შესრულების პროცესში, სამუშაოებში ჩართული პერსონალის ჯანმრთელობისა ან სიცოცხლისთვის მიყენებულ ზიანზე.
- 7.1.5. დაიცვას შენობაში განთავსებული მოწყობილობა-დანადგარები, საკომუნიკაციო და ელექტრო კაბელები ნებისმიერი სახის ზემოქმედებისაგან სამშენებლო სამუშაოების პერიოდში და სრულად აგებს პასუხს მათი დაზიანების შემთხვევაში. მიმწოდებელმა უნდა უზრუნველყოს სამშენებლო მოედნის ფარგლებში მდებარე ხეების და მცენარეების დაუზიანებლობა და სიცოცხლისუნარიანობა, ასევე, მინიმუმადე დაიყვანოს სამშენებლო სამუშაოებით გამოწვეული ხმაურის, ვიბრაციისა და მტკერის გავლენა გარემოზე.

7.2. მიმწოდებელი უფლებამოსილია:

- 7.2.1. მოითხოვოს სამუშაოების ღირებულების დროული და სრული ანაზღაურება წინამდებარე ხელშეკრულებით განსაზღვრული პირობების შესაბამისად.

7.3. შემსყიდველი ვალდებულია:

- 7.3.1. გადაუხადოს მიმწოდებელს შესრულებული სამუშაოების შესაბამისი ღირებულება ხელშეკრულებით დადგენილი წესით.

7.4. შემსყიდველი უფლებამოსილია:

- 7.4.1. განაცხადოს პრეტენზია შესრულებულ სამუშაოებთან დაკავშირებით, თუ იგი არ შეესაბამება ხელშეკრულებით დადგენილ მოთხოვნებს.
- 7.4.2. განახორციელოს კონტროლი და ზედამხედველობა ხელშეკრულების შესრულებაზე.
- 7.4.3. მოითხოვოს ხელშეკრულების პირობების არაჯეროვანი შესრულებით, შეუსრულებლობით მიყენებული ზიანის ანაზღაურება.

მუხლი 8. მხარეთა პასუხისმგებლობა

- 8.1. ხელშეკრულების 4.1. პუნქტით განსაზღვრული ვადების გადაგადაცილების შემთხვევაში, შემსყიდველი უფლებამოსილია დააკისროს მიმწოდებელს პირგასამტეხლო ხელშეკრულების ჯამური ღირებულების 0.1%-ის ოდენობით ყოველი გადაგადაცილებული დღისთვის.
- 8.2. ხელშეკრულების 6.1. პუნქტით განსაზღვრული ანგარიშსწორების ვადების გადაგადაცილებისათვის მიმწოდებელი უფლებამოსილია დააკისროს შემსყიდველს პირგასამტეხლო კონკრეტულ ეტაპზე გადასახდელი თანხის 0.1%-ის ოდენობით ყოველი გადაგადაცილებული დღისთვის.
- 8.3. მხარეებს ყოველთვის აქვთ უფლება მოითხოვონ ხელშეკრულების შეუსრულებლობით ან/და არაჯეროვანი შესრულებით მიყენებული ზიანის ანაზღაურება საქართველოს კანონმდებლობით დადგენილი წესით.
- 8.4. ვალდებულება ჯარიმაზე არ ათავისუფლებს მიმწოდებელს მისი ვალდებულებების შესრულების ან დარღვევების აღმოფხვრისგან.

მუხლი 9. ფორს-მაჟორი

- 9.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს პასუხისმგებლობის დაკისრებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.
- 9.2. ხელშეკრულებს მიზნებისთვის "ფორს-მაჟორი" ნიშნავს მხარეებისთვის გადაულახავ და მათი კონტროლისგან დამოუკიდებელ გარემოებებს, რომლებიც არ არიან დაკავშირებული მხარეების შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება იყოს გამოწვეული ომით, სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით და სხვა.
- 9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისგან.

მუხლი 10. შესრულებული სამუშაოების გარანტია

დაზუსტდება მიმწოდებლის სატენდერო წინადადების შესაბამისად.

მუხლი 11. ღაჰათა ბანხილჰის წჸსი

- 11.1. მხარეთა შორის საღაო საკითხები წყდება მხარეთა მოღაპარაკების გჰით. 30 დღის განმავლობაში შეთანხმების მიუღწევლობის შემთხვევაში საკითხი განიხილება სასამართლოში, საქართველოში მოქმედი კანონმდებლობის შესაბამისად.

მუხლი 12. ზოგადი დებულებები

- 12.1. ხელშეკრულების ნებისმიერი ცვლილება ჩაითვლება მოქმედად, თუკი იგი შესრულებულია წერილობითი ფორმით და შეთანხმებულია ორივე მხარის მიერ. შესაძლებელია დოკუმენტების ხელმოწერა და ფაქსით ან ელ-ფოსტით გადაცემა (სკანირებული ასლი) და ამ შემთხვევაში მათ გააჩნიათ ორიგინალის ძალა, შემდგომში ორიგინალების გადაგზავნით.
- 12.2. ორივე მხარე უფლებამოსილია მოშალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას ან მოქმედი კანონმდებლობით გათვალისწინებულ სხვა შემთხვევაში, რაზედაც მხარემ უნდა შეატყობინოს მეორე მხარეს 2 კვირით ადრე.
- 12.3. ხელშეკრულების პირობების შეცვლა დაუშვებელია, თუ ამ ცვლილებ(ებ)ის შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის. ხელშეკრულების პირობების შეცვლა დასაშვებია საქართველოს სამოქალაქო კოდექსის 398-ე მუხლით განსაზღვრულ შემთხვევებში.
- 12.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.
- 12.5. წინამდებარე ხელშეკრულება შედგენილია ქართულ ენაზე ორ ეგზემპლიარად, რომელთაც გააჩნია თანაბარი იურიდიული ძალა.

მუხლი 13. ხელშეკრულების მოქმედების ვადა

- 13.1. წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს - - - - - მდე. გარდა ხელშეკრულების მე-11 მუხლისა, რომელიც ძალაში რჩება გარანტიის პერიოდით.

მხარეთა რეპროზიტები და ხელმოწერები:

შემსყიდველის სახელით:

(უფლებამოსილი პირის სახელი, გვარი,
ხელმოწერა და თანამდებობა)

მიმწოდებლის სახელით:

(უფლებამოსილი პირის სახელი, გვარი,
ხელმოწერა და თანამდებობა)

ხელშეკრულების ყველა პუნქტი შესაძლებელია დამატებით დაზუსტდეს ხელშეკრულების გაფორმებისას.